



TANAM POKOK ... Arifin turut menanam pokok bunga bagi menceriakan kawasan kampung.



SUMBANGKAN ... Kelengkapan meja dan kerusi komputer turut disumbangkan kepada sekolah.

Jabatan Canselori UMS Iestarikan Program amal memucang-mucang

NST 13.2.2014 11

MEMBAKUT: Program amal memucang-mucang atau bergotong-royong Jabatan Canselori Universiti Malaysia Sabah (UMS) dengan kerjasama Belia Persatuan Masyarakat Brunei Sabah (PMBS) di Kampung Binsulok, Membakut baru-baru ini wajar dilaksanakan dari semasa ke semasa dan tidak terhenti sekadar hanya acara tahunan.

Ketua Jabatan Canselori, No'man Datuk Hj. Ahmad berkata, aktiviti memucang-mucang bersama penduduk kampung ini harus menjadi titik permulaan dalam UMS melaksanakan lebih banyak aktiviti seumpama di kawasan pedalaman lain, selaras dengan matlamat mendekati masyarakat yang menyokong UMS selama dua dekad.

"UMS sebagai sebuah institusi pengajian tinggi terulung di negeri ini harus memainkan peranan dalam menggerakkan kerja-kerja kemasyarakatan seperti ini bukan sahaja sebagai sumbangan kepada masyarakat khususnya penduduk negeri Sabah, tetapi turut menjadi contoh dan ikutan agensi-agensi lain dalam melaksanakan tanggungjawab sosial korporat mereka," katanya.

Ujarnya, aktiviti berbentuk kemasyarakatan harus diperbanyakkan dan diperluaskan ke kawasan lain bagi menyokong serta memangkin pamban-



DIBAIKPULIH ... Keadaan surau dan Pondok Kafa di Kampung Binsulok sebelum dibaik pulih.



INDAHKAN ... Warga UMS sibuk menceriakan surau Ag. Taha, Kampung Binsulok.

gunan jasmani dan rohani kawasan tersebut.

Mengambil contoh aktiviti memucang-mucang di Kampung Binsulok, selain kerja-kerja membaik pulih kemudahan penduduk kampung, program ini turut mengajak masyarakat untuk menghayati kepentingan menuntut ilmu, selain merapatkan hubungan persaudaraan sesama umat.

"Jabatan Canselori berhasrat untuk melestarikan aktiviti-aktiviti berbentuk keceriaan yang turut menyelitkan program motivasi dan bina semangat kepada anak-anak muda Kampung Binsulok. Justeru, kita bercadang untuk menjadikan Kampung Binsulok sebagai kampung angkat jabatan ini," jelasnya.

Exco Belia PMBS, Pengiran Adreen turut menyokong usaha UMS dalam melaksanakan projek amal di kawasan Membakut bagi menyokong pembangunan sosio ekonomi penduduk setempat.

Katanya, PMBS sentiasa bersedia untuk bekerjasama sama ada dengan UMS atau dengan agensi-agensi lain dalam melaksanakan aktiviti pembangunan masyarakat.

"Masyarakat di sini amat gembira dengan kehadiran warga UMS yang begitu bersungguh-sungguh membantu penduduk kampung membersihkan dan membaik pulih kemudahan-kemudahan seperti perpustakaan, pondok Kafa, surau dan sekolah, selain turut menyumbangkan kelengkapan meja komputer dan bahan-bahan ilmiah. Saya berharap agar program memucang-mucang ini menjadi satu agenda berterusan antara UMS dan PMBS," ujarnya.

Projek amal Jabatan Canselori UMS dengan kerjasama Belia PMBS di Kampung Binsulok telah dirasmikan oleh Pembantu Menteri kepada Ketua Menteri, Datuk Haji Mohd Arifin Mohd Arif yang juga Ahli Dewan Undangan Negeri Membakut, turut mengalu-alukan kerjasama berterusan warga UMS dengan masyarakat di Daerah Kecil Membakut.



KENANGAN BERSAMA... Arifin bergambar kenangan bersama warga UMS dan penduduk kampung serta pelajar-pelajar sekolah.